

AGE

Yá pò kú láε bee guu

Anabi Age yáε bee ò Lua kpé keke ða Yelusaleü yá musu Yuda sua ní Babiloni zòbleo gbeεε. Lua yápiò dàè, ò a ò e wàò gé Yesu Kilisi ii wè 520.

A kù Yuda pò aa bò zòbleu séiaò Lua kpé pò Babiloniò wíwi wè 587 guu keke wà ðεε, ò an kúsu kwè gòògòò. Ayámεto ānabi nàε ðaanaòwa aa òkpa zìpiwa, ò aa òkpàwà wè 520 guu. Age tekparngu à mè taasi pò aale ke ní ní bua pòò kesaiò bò an Lua kpé kekesai kíie (1.1-14). A mè Lua kpé dafu gawi aò ðε a káau pò òòkpà pòla (2.1-9) mé a ða a to gbāsi pò kú ní guu láa ní taasi pò Lua gbéò lé keo (2.10-20). Bee gbea Lua zia maa legbè ðaana Zolobabeli Davidi bui pò á sèε (2.20-23).

Lua gbé pò aa sù ní zòbleo dafuò wé aò ða Lua kpé pò a gawi aò ðε a káauai ní Lua zíkεna pò Lua sè àle mó ðoínleo. Bee yáí ānabi Age leðà gbéòwa aa ní làasooò lile, aai laaidò zìwà yá dafu pò Lua lé kené yáí.

Yudaò Lua kpé ða

¹ Kí Daliusi kpalablea wè plaade guu,* a mò soolode gòò séia zí, Dii yá'ò ānabi Ageε,† ò a ò bùsu gbāade Zolobabeli, Salatieli néε ní sa'onkia Yesua,

* **1:1** Eza 4.24 † **1:1** Eza 5.1

Yozada néo‡ à mè: ² Ma Dii Zīgōde ma mè, á gbēo lé me kpedamεε gɔɔ i ka yāao.

³ Dii yá èa dède ānabi Agewa ɔ à mè: ⁴ A kua á kpé kekea wásawasao guu gɔɔ pó ma kpé gō kpezi ũ maan wea? ⁵ Ma Dii Zīgōde ma mè, à làasooke á yākeawwa à gwa. ⁶ A potō maamaa, i ne'íé bílao. I poble, ili káo. I imi, ìli ká à á deo. I pokasa da, ìli ñanakūéo. I ōa séle, kási á bōo ìb fōae.

⁷ Ma Dii Zīgōde ma mè: A làasooke á yākeawwa à gwa. ⁸ A gbēsísikū à su n lío, í kpépi do, ma pɔ i kewà na, mí tɔɔ. Ma Dii máme má ò. ⁹ A wé do à pó e zōo, i e bílao. Pó pó a suò be, má tò à gè n ñanao. Bóyāi ni? Ma Dii Zīgōde máme mále á la. Ké á baade lé laaido a kpéwa, mé ma kpé kú kpezi ũ yáie. ¹⁰ A yápi mé tò luabe gi mōsepisii, ō tɔle gi blekei. ¹¹ Ma iminapi sisi buao n sīsōwa pówena n vēeo n nísio yá musu n pó pó ì bole tɔlewao pii n gbēnazinao n potuo n zì pó ále keo pii.

¹² Ŏ Salatieli né Zolobabeli n sa'onkia Yesua, Yozada néo n gbé kōnapio pii Dii n Lua yá pó ānabi Age òpi mà, asa Dii an Lua mé aà zì. Gbēo Dii vía ví. ¹³ Ŏ Dii zina Age lé pó Dii dīleε bee òné à mè: Dii mè á kúanɔ. ¹⁴ Ŏ Dii tekpa Yuda bùsu gbāade Zolobabeligu n sa'onkia Yesuao n gbé kōnapio pii, ō aa mò nà Dii Zīgōde n Lua kpé zīwa ¹⁵ kí Daliusi kpalablea wè plaade guu, a mɔ soolode gɔɔ baasɔ mēndosaidezi.

2

Kpé dafu gawi

1 Mɔ soplade ɔɔɔ bao ní m̀̀endoode źí Dii yá'ò ãnabi Ageε à mè: 2 Yá'o Yuda bùsu gbáade Zolobabelie ní sa'onkia Yesuao ní gbé k̄napiɔ p̄ii, ñ ní la ñ mè: 3 A déme kú tia a ma kpé d̄s ní a gawi káauoi?* A tia p̄e bee deé kpelewai? A ea guu a deé p̄e ũo yà? 4 Ma Dii má ò Zolobabelie, s̄dile! Má ò sa'onkia Yesuae, s̄dile! Má ò bùsu gbé k̄niɔne p̄ii, à s̄dile! Ma Dii máme má ò. A z̄ipi ke, asa má kúánɔ. Ma Dii Z̄iḡɔde máme má ò. 5 Lé p̄ó má gbèé á b̄oɔ Egipi ɔɔɔn we. Ma Nis̄ina gi kúánɔe, ásu v̄lako. 6 Ma Dii Z̄iḡɔde ma mè, à ḡs̄ ɔɔɔ ké mà musu ní z̄íleo lualua ḡen do lo,† ísia ní t̄ooleo p̄ii. 7 Ma Dii Z̄iḡɔde ma mè, má buio z̄iaz̄ia, wi mó ní bui p̄ii àizeeo, mí tó ma kpé pa ní gawio. 8 Ma Dii Z̄iḡɔde ma mè, ánuuá ma p̄e, vuaá ma p̄e. 9 Ma Dii Z̄iḡɔde ma mè, kpée bee gawi gb̄ez̄a z̄s̄o aɔ de a káaua. Ma Dii Z̄iḡɔde ma mè, má aafia pisi gue beewa.

Dii a báada Yudaɔgu

10 Daliusi kpalablea wè plaade guu, a mɔ k̄okwide ɔɔɔ baasɔ m̀̀endosaide źí, Dii yá èa dède ãnabi Agewa à mè: 11 Ma Dii Z̄iḡɔde ma mè, à sa'onao la: Ikoyã mè kpelewa ni? 12 Tó gbé n̄ò p̄ó ḡs̄ ma p̄ó ũ k̄ua a ula léu, mé aà ulapi z̄s̄ p̄e ge do ge v̄e ge nísi ge ble p̄alewa, p̄opiɔ ì ḡs̄ ma p̄ó ũ yà? Sa'onao mè: Aawo! 13 ɔ Age èa ní lá à mè: Tó gbé p̄ó kú ní ɔnaa p̄ogeua gb̄aleao ɔnà p̄opiwa, aã gb̄ale yà? Sa'onao wèwà aa mè: Aã gb̄ale.‡ 14 ɔ Age mè: Ma Dii ma mè, màa á bui dem̄e. Yá p̄ó i

* 2:3 Eza 3.12 † 2:6 Ebe 12.26 ‡ 2:13 Nao 19.11-22

ke ní pọ́ pọ́ i ma gba weọ́ pii gbã̀eae. ¹⁵ A làasooke maamaa à gwa za gbã̀, lá á de yãa zadõ i ma kpé gbẽe dio. ¹⁶ Tó gbé̀ gè pówena dáí zaa bao, kwi ali e. Tó à gè v̄e tói tũu blakwi, bao ali e. ¹⁷ Má tò á buapóó òkpà ní gbõsio ní fukpaao ní loughẽo, kási i suo. ¹⁸ A làasooke à gwa za gbã̀, mọ́ k̄okwide gọ́ baasọ́ m̀endosaidezi. A làasooke à gwa yá pọ́ lé ke za ma kpé ãdaalegọ́ e gbã̀wa. ¹⁹ Pówena kú d̄su tiaa? V̄e ní kaad̄enaon ní gb̄afuo ní kuo i ne'io e gbã̀. Za tia má báaadaágu sa.

Dii l̄gb̄e Yuda b̄usu gb̄ade

²⁰ Dii yá'ò Agee lo mọ́gọ́ baasọ́ m̀endosaidepi zí à m̀e: ²¹ O Yuda b̄usu gb̄ade Zolobabeli, má musu ní z̄íleo lualua. § ²² Má kpalabaaọ fuangba, mí buipáleo kpalaa midẽ. Má z̄ikasõgọ́ fuangba ní gbé̀ pọ́ ká a guu, s̄ó ní s̄ógodepiọ́ kwé, aai k̄õ dede ní f̄ẽndao. ²³ Ma Dii Zigõde ma m̀e, gọ́ bee má n se, ma z̄òblena Zolobabeli. Ma Dii máme má ò. Má n ke lán ma t̄ana seelakebowa, asa ma n se. Ma Dii Zigõde máme má ò.

Bibeli Luayátaalá

The Holy Bible in the Boko language spoken in Benin and Nigeria

copyright © 2010 SIM International

Language: Boko

Translation by: SIM International

Boko Bibeli Luayátaala

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

PDF generated using Haiola and XeLaTeX on 21 Feb 2024 from source files dated 29 Jan 2022

ffb0f4b3-18b7-564f-bd5d-307e9e532fb9